

# REFERAT TAA - Teknikkeqarnermut Avatangiisinullu Ataatsimiititaq d. 21-05-2024

**Mødedato** Tirsdag d. 21. maj 2024 kl. 15:45

**Mødested** Kommunalbestyrelsen ataatsimiittarfiani

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Kuussuaq aamma H.J. Rinkip aqqutaata akornata biilnik aqqusaarneqartarnerata matuneqarnissaa l	6
Nuummi sumiiffiit aqquserngillu taaguuserneqartussat.....	9
Iluarsiissuteqarneq, kommunimut pilersaarummut tapiliussassaq 3C9-1 Inuussutissarsiateqarfik mit	11
Oqaluuserisassanut tapiliussaq: Paamiunut ataatsimiititap angalanissaa, ukiaru 2024.....	14
Tamalaat.....	16
Imaqarniliap akuerineqarnera.....	17

## **Punkt .: Saqqaa**

### **Ilaasortat:**

Justus Hansen (D) *siulittaasoq*

Uju Petersen (IA)

Naya Pedersen Lyberth (IA)

Peter Davidsen (S)

Storm Ludvigsen

### **Beslutning**

#### **Ataatsimeeqataasut:**

Uju Petersen (IA)

Naya Petersen Lyberth (IA)

Peter Davidsen (S)

#### **Attaveqaatitigut peqataavoq:**

Justus Hansen (D)

Storm Ludvigsen

## **Punkt .: Oqaluuserisassat akuersissutigineqarneri**

### **Beslutning**

Oqaluuserisassat akuersissutigineqarput.

**Punkt .: Nalunaarutit**

# **Punkt 1: Kuussuaq aamma H.J. Rinkip aqutaata akornata biilnik aqusaarneqartarnerata matuneqarnissaa Nuuk Centerip eqqaaniittoq**

## **Beslutning**

Ilisimatitsissut tusaatissatut tiguneqarpoq.

## **Bilag**

Misiligummik suliassap inissisimaffiata assitaa

Aaqqiaginnngiffiusut sumiinnerat

Misiligummik suliassap assitaa



## **Kuussuaq aamma H.J. Rinkip aqputaata akornata biilnik aqquasaarneqartarnerata matuneqarnissaa Nuuk Centerip eqqaaniittoq**

Ilisimatitsissut

SagsID.: EMN-2023-02878

Sanarfinermut Avatangiisinullu Ingerlatsivik – pisortaq Søren Pedersen / SSKP

### **Inassuteqaat**

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsiviup matumuuna Kuussuaq aamma H.J. Rinkip aqputaata Nuuk Centerip eqqaaniittup biilnik aqquasaarneqartarnerata matuneqarallarnissaanik siunnersuut saqqummiuppa

Kommuneqarfiup Allaffia, blok-2 aamma Nuuk Center assigiinngitsunik qalliusersugaallutik ataqtigiiptut, kuluusinik, asfaltimik ujaqqanillu kipparissunik. Aqqut tamanna attaveqaasersuutitigut ajoqusikulasuvoq, imaarsaasarneq aammalu ukiukkut aputaajaaneq pissutigalugit. Aqqummi tassani pisuinnaat immikkut aqquteqartinneqanngillat, taamaattumillu aqqutissarsiornermi 100 meterit qaangerlugit biilit unittarfianni biilertut akornanni, biilit kinguporsortut aammalu angallassissutit allat atortagaat aqquasaarneqartarpoq. Tamatuma kingunerisaanik angallattut assigiinngitsut akornanni navianarsinnaasarpoq. Unammilligassat qulaani taaneqartut tunngavigalugit, ingerlatsiviup kissaatigaa Kuussuaq aamma H.J. Rinkip aqputaata akornanni biilnik aqquasaarneq matuneqarallassasoq. Rinkip aqputaa Taamaaliornikkut aaqqiagiinngissutaasartut aaqqiissuteqarfiginissaat naatsorsuutigineqarpoq, sumiiffimmilu angallannermi isumannaallisaaneq annertusineqarluni.

### Pissutsit pioreersut

Aqqut biilinit aqquasaarfigineqartartoq matuniarneqartoq tassaavoq Katuap aamma Nuuk Centerip akornanniittoq, ullumikkut assigiinngitsutigit unammilligassaqarfiusoq, tamakkununnga ilanngullugit angallannermi isumannaallisaaneq nunataalu. Titartagaq ilanngussaq 2-miittoq takuuk.

Unammilligassat tassaapput:

- Ullumikkut angallaffiit sisamaapput (pisuinnaat ingerlaffigisartagaat, saamerleq aamma talerpilleq)
- Biilit kingumorsortut aamma lastbiilit
- Biilit aqquasaartut
- Pisuinnaat amerlasuut tamanna aqqutigisarpaat (pisuinnaat)
- Aqqut ajorsinikoq- stikasse

Angallattut assigiinngitsut akornanni aaqqiagiinngissutaasartut annikillisinnaarlugit, aqqutit marluk aqqummi tassaniittut, biilit unittarfii arfinillit ilanngullugit matuneqassapput. 2023-mi angallannermi nalunaarsuutit Viatrafik-imit ingerlanneqartut naapertorlugit, centerip eqqaani biilit unittarfiinik suli 50-inik inissaqarpoq, aamma qanorluunniit biilit uninngasut amerlanerpaajusaraluarpata. Taamatut iliuuseqarnikkut sumiiffimmi unammilligassaasartut pitsaanerpaamik atorunnaarsivinneqarsinnaanerit ilimagineqarpoq. Taamatut iliuuseqarneq nakkutigineqassaaq

piffissamilu ingerlaavartumik nalilersorneqartassalluni, iliuuserisaq kissaatigisatut ilimagisatullu sunniuteqassanersoq qulakkeerniarlugu.

### Iliuuseqarnertaa

Kuussuaq aamma H.J. Rinkip aqquataata Nuuk Centerip eqqaaniittup matuneqarnera angallannermut politikkimut uiggiutaavoq, tassanilu siunertarineqarluni politikkami suliniuteqarfiit pingasut siuarsaavigineqarnissaat:

- Angallaffigiuminassuseq: Aqqusaarneqartarnerata matuneqarneratigut Nuup qeqqata, Kissarneqqortuunnguami aamma Atuarfik Inussuk akornanni sunngiffimmi neqeroorutinut pisuinnaat apuuffissaminut qaninnerusukkut immikkullu aqquteqarnikkut qulakkeerinniffigineqassapput
- Angallannermik isumannaallisaaneq: Aaqqiagiinngiffiusut marluk peernerisigut taava aaqqiagiinngiffik ataasiinnaq kiserngorutissaaq saavatigut amnullu ingerlaffiusartumi angallannermi isumannaallisaaneq pitsanngortissagatsigu. Biilinit aqqusaarneqartarnerata matuneqarneratigut biilit unittarfianni bilernerq sukkaallisineqassaaq
- Illoqarfimmi inissaqarluassuseq: Biilit unittarfiinik arfinilinnik atorunnaarsitsinikkut sumiiffik siunertanut allanut atorneqarsinnaalissaaq, ungasinnerusoq eqqarsaatigalugu Kommuneqarfiup Allaffiata Katuallu akornanni pilersaarutaasumik sunngiffimmi sammisassaqtitsiviusarnissaanut tapertaasinnaalluni

Matusineq siullermik misiligutaassaaq, maajip qiteqqunneraniit aallartilluni aasaanera tamaat pissalluni. Piffissami tassani akimmiffiusartunik betoninik inissiisoqassaaq. Akimmiffiusartut taakkua biilit aqqusaarsinnaajunnaartissavaat, pisariaqartitsinerlu naapertorlugu inissisimaffii nikisinneqarsinnaapput pisuinnaat angallanneranni isumannaallisaaneq qulakkeerniarlugu. Piffissaq naliliiffiusoq qaangiuppat aaqqiissutissat ataavartut atuutilersinneqarsinnaapput. Malugissallugu pingaaruteqarpoq, aaqqiissutissatut siunnersuut taanna aputaajaanermut akornutaassanngimmat. Aaqqiissutissatut siunnersuut pillugu immikkualuttut pillugit ilanngussaq 3 takuuk.

### **Ingerlatsivimmit aningaasatigut sulisoqarnikkullu naliliinerit**

Misiligummik suliassaq Materialegårdenimit ingerlanneqassaaq. Suliassartavia attaveqaasersuutinut aningaasaliissutit iluannit aningaasalersorneqassaaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiillit**

- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)
- Kommunimut pilersaarummut tapiliussaq 1C12-5
- Sermersuumi angallannermut politikki

### **Ilanngussat**

1. Misiligummik suliassap inissisimaffiata assitaa
2. Aaqqiagiinngiffiusut sumiinnerat
3. Misiligummik suliassap assitaa

## **Punkt 2: Nuummi sumiiffiit aqquserngillu taaguuserneqartussat**

### **Beslutning**

Inassuteqaat 1: Inassuteqaat akuersissutigineqarpoq.

Inassuteqaat 2: Inassuteqaat itigartitsissutigineqarpoq aamma Sumiiffiit Aqquserngillu Taaguutaannik Siunnersuisoqatigiit ataatsimiititamut nutaamik siunnersuusiorlutik nassiusseqquneqarput.

### **Bilag**

Ilanngussaq, Ningitsivimmi aqquserngit

Ilanngussaq, iliveqarfiup tugaanut aqqut

## Nuummi sumiiffiit aqquuserngillu taaguuserneqartussat

Aalajangiiffigisassaq

SagsiD.: EMN-2024-01887

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsiviup Illoqarfimmik Ineriartortitsinermut Sanaartornermullu Ataatsimiititamut inassuteqaatigaa:

- sanaartorfissami "Ningitsivik"-mi, Qinngutsinniittumi aqquuserngit ataani nassuiarneratut taaguuserneqarnissaat akuersissutigineqassasoq
- Iliveqarfiup tugaanut aqqusineq imatut taaguuserneqassasoq Isuliffik

### Suliassamik saqqummiussaq

Qinngutsinni sanaartorfissaq "Ningitsivik"-mi aqquuserngit taaguuserneqarneri

Sumiiffiit aqquuserngillu taaguutaannik siunnersuisoqatigiit sanaartorfissatut pilersaarut

Kommunimut pilersaarummut tapiliussaq 4A8 "Ningitsivik" maannakkut sanaartorfigissarneqartoq pillugu oqaluuserereerlugu, aqquuserngit agguataarneri malillugit sisamaasut taaguuserneqarnissaannik siunnersuuteqarput.

Inassutit :

1. Qimiaa
2. Siutaq
3. Qissarut
4. Nissik

### *Nassuiaat / tunngavilersuut*

Siunnersuutigineqartunut tunngavigineqarpoq illoqarfimmut pilersaarusiimi immikkortup pineqartup qulequtserneqarsimanera "Ningitsivik". Siunnersuisoqatigiit isummersornerminni isumaqatigiissutigivaat qulequtaq "Ningitsivik" imaani piniutinut tunngassuteqarmat tassunga tunngasinnaasunik taaguussiinissaq innersuussutigerusullugu.

Iliveqarfiup tugaanut aqqut taaguuserneqassasoq

Inassut: Isuliffik

### *Nassuiaat / tunngavilersuut*

Siunnersuutigineqartumut tunngaviuvoq toqukku qimagunnermi iliveqarfimmut ingerlanneqartarneq tassaammat inuunerup isua, tassa isuliffia.

### **Aningaasatigut suliatiqullu Ingerlatsiviup naliliinera**

Piffimmi aningaasartuutit ingerlatsivimmit aningaasaliissutaareersut iluanni pisinnaavoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviummik uppersaattallit**

- Sumiiffiit Aqquuserngillu Taaguutaannik Siunnersuisoqatigiinnut Ileqqoreqqusaq

### **Ilanngussat**

1. Ilanngussaq, Ningitsivimmi aqquuserngit
2. Ilanngussaq, iliveqarfiup tugaanut aqqut

## **Punkt 3: Iluarsiissuteqarnek, kommunimut pilersaarummut tapiliussassaq 3C9-1 Inuussutissarsiateqarfik mittarfiup qanittuaniittoq, Nuuk**

### **Beslutning**

Inassuteqaat akuersissutigineqarpoq.

### **Bilag**

Kommunimut pilersaarummut tapiliussassaq iluarsisaq 3C9-1, inuussutissarsiateqarfik mittarfiup qanittuaniittoq

## **Iluarsiissuteqarnek, kommunimut pilersaarummut tapiliussassaq 3C9-1 Inuussutissarsiteqarfik mittarfiup qanittuaniittoq, Nuuk**

Aalajangiiffigisassaq

SagsID.: EMN-2023-02420

Sanarfinermut Avatangiisinullu Ingerlatsivik – pisortaq Søren Pedersen / SSKP

### **Inassuteqaat**

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

- kommunimut pilersaarummut tapiliussassaq Inuussutissarsiteqarfik mittarfiup qanittuaniittoq 3C9-1 pillugu iluarsiissuteqarnek akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmut paasisitsiissutigineqarsimavoq, kommunimut pilersaarummut tapiliussami 3C9-1-mi akuerineqareersumi allaffissornikkut kukkusoqarsimanera pillugu, Inuussutissarsiteqarfik mittarfiup qanittuaniittoq.

Sanaartorfissani portussutsit portunerpaaffigisassaanni A-L ilanngussami 2A aamma 2B-mi kukkusaasoq tassaavoq nalingata aalajangersariikkatut allassimanera. Mittarfiup qanittuani sanaartukkat eqqaanni immikkut ittumik killeqarfeqartitanut atatillugu killiffissatut pilersaarummi uingasoq eqqartorneqarmat, sanaartorfissat akimorlugit portussutsit portunerpaaffigisassaataatsitut portoqatigiissutut naleqanngillat, imaallunili sanaartorfisassaq akimorlugu assigiinngiaartuulluni.

Iluarsiissuteqarnermi ilanngussamik nutaamik 2C-mik suliarinninneq pineqarpoq, killiffissatut pilersaarummi uingasup qanoq isikkoqarnissaa ilanngullugu, kiisalu sanaartorfissap iluani portussutsit portunerpaaffigisinnaasaannik sanaartorneqarsinnaasunut eqqortumik pingaartit pineqarlutik. Siornatigut portussutsinik portunerpaaffigisassanut innersuussisutaasut ilanngussami 2A aamma 2Bmi allassimasut aammattaaq ilanngussamik 2C-mik taarserneqarput. Iluarsiissuteqarnek aammattaaq kommunimut pilersaarummut tapiliussami allattukkanik iluarsiissutinik imaqarpoq, eqqortumik ilanngussamut 2C-mut innersuussineq qulakkeerniarlugu.

Kukkuluttornerup kingunerisaanik annertunngitsumik iluarsiissuteqarnerummat pilersaarutillu tunngaviatigut imarisaanut akerliunngitsutut nalilerneqarmat, pilersaarut nutaamik tusarniaassutigineqassanngilaq.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3-it pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarut nr. 4, 25. januar 2024-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

## **Ilangussaq**

1. Kommunitumut pilersaarummut tapiliussassaq iluarsisaq 3C9-1, inuussutissarsiuteqarfik mittarfiup qanittuaniittoq

# Punkt T: Oqaluuserisassanut tapiliusseq: Paamiunut ataatsimiititap angalanissaa, ukiaru 2024

## Beslutning

Inassuteqaat taamatut isikkoqartillugu itigartitsissutigineqarpoq nutaamillu siulittaasumit aalajangiiffigisassamik siunnersuusiuisioqqussuserlugu ingerlatsivimmut utertinneqarluni.

## Bilag

Ataatsimiititap angalanissaannut aaqqissuussaaneq (12. juuni 2024-mi aalajangiussaq)

Ataatsimiititap angalanissaannut pilersaarut

## Paamiunut ataatsimiititap angalanissaa, ukiaru 2024

Aalajangiiffigisassaq

Suliap ilisarnaataa: EMN-2024-00966

Suliffeqarfimmut Kiffartuussivik – Kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussiviup Illoqarfimmik Ineriartortitsinermut Sanaartornermullu

Ataatsimiititamut inassuteqaatigaa:

- Ataatsimiititap sapaatip akunnerani 43-mi Paamiunut angalanissaa akuersissutigineqassasoq

### Suliassamik saqqummiussineq

Kommuneqarfik Sermersuumi illoqarfiit nunaqarfiillu pillugit qinikkanit

paasisasaqarfigineqarnerunissaat ilisimasaqarfigineqarnerunissaallu kiisalu kommunimi innuttaasunik oqaloqateqarnissaq ataatsimiititap angalanissaanni siunertaavoq. Ataatsimiititap angalaneranni aamma suliamut tunngasunik aalajangersimasunik ataatsimiititap namminneq suliassaqarfimminnut tunngasunik paasisaqarnerunissaat isumassarsiortarnissaallu saniatigut periarfissaassaaq.

Kommunalbestyrelsip nalinginnaasumik ataatsimiinnerani, ulloq 12. marsi 2024, ataatsimiititap angalanissaannut aaqqissugaasut qinigaaffiup naanissaanut pisussat akuersissutigineqarput (ilangussaq 1). Aaqqissugaaneq tamanna malillugu Illoqarfimmik Ineriartortitsinermut Sanaartornermullu Ataatsimiititaq ukiaru 2024-mi Paamiunut angalassaaq.

Ataatsimiititap angalanerminni aallaavittut ikinnerpaamik nunaqarfik ataaseq ilangullugu angalaffigisassavaat. Angalanissamut matumunnga atatillugu Arsuup tikinneqarnissaat siunniunneqarpoq.

Angalanissamut sapaatip akunnerani 43 piffissaliunneqarpoq.

### Ingerlatsivimmit aningaasatigut sulisoqarnikkullu naliliinerit

2024-mi angalanermut aningaasaateqarfimmut 950.000 koruuninik immikkoortitsisoqarpoq.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- o Ataatsimiititap angalanissaannut pilersaarut

### Ilangussaq

1. Ataatsimiititap angalanissaannut aaqqissuussaaneq (12. juuni 2024-mi aalajangiussaq)
2. Ataatsimiititap angalanissaannut pilersaarut

**Punkt .: Tamalaat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 13:24.